

四庫全書

子部

欽定四庫全書

子部

竹譜卷五

詳校官中書臣孫溶

編修臣程嘉謨覆勘

謄錄監生臣溫廷鑑

謄錄監生臣陳遂

繪圖謄錄監生臣俞榕

欽定四庫全書

竹譜卷五

元 李衍 撰

竹品譜

凡竹生於石則體堅而瘦硬枝葉多枯焦如古烈士有
死無二挺然不拔者生於水則性柔而婉順枝葉多稀
疎如謙恭君子難進易退巽懦有不自勝者惟生於水
石之間則不燥不潤根幹勁圓枝葉暢茂如志士仁人
卓爾有立者雖少有不同相去亦不遠矣其有曲節方

莖中通外澁或擁節邪對直榦岐分杪生細籜腰出橫
枝類如虞舜重瞳高辛廣顙河目海口隆準龍顏蓋皆
特異於常不容不審故作異形品

異形品上

方竹兩浙江廣處處有之枝葉與苦竹相同但節莖方
正如益母草狀深秋出筍經歲成竹高者二丈許無甚
大者為拄杖最佳番禺志云竹方而實心編織不及他
竹止以方為異矣武陵圖經云方竹出桃源山四方而

不觚其材中杖會稽續志云方竹中堅而外方玉岑山
所植贊寧云澧州辰山方竹其方二寸出天台玉霄峯
者最妙或云人家忌種指為不祥筍亦不中食常德節
推廳植之韓魏公作記

六稜竹出都梁山一如方竹而六稜高六七尺節密有
刺甚瀟灑


右方竹古人少有畫者金海陵庶人完顏亮獨喜
作此多有圖軸吾友仲方亦愛其方正每每畫之

凡見十數本

淨瓶竹江浙閩廣俱有之枝葉與澹竹不異但去地一二節便臃腫有項有腹宛如一瓶以上榦節仍如常竹其質極堅人取為拄杖



實竹枝葉節莖出處一如淨瓶竹但無腹項心不空虛
枝葉差少今人好斷取作馬箠榦甚堅韌



石竹出興化路瀨溪生宜近石故名石竹其高大長短
與筍竹無異但節頗長色頗淡葉扶疎質堅韌無施不
宜土人伐之浮海以貨江浙筍可食今兩浙傍海諸山
亦有之但不柔韌謝靈運山居賦注云石竹本科叢大
以充屋椽當是別種也




石簾竹一名簾簾竹生閩中似石竹而小筍中食會稽續志云石竹小而密人家植之以為籬援吳都賦云簾簾有叢劉涓子註以簾簾為二種已別見後

簾簾竹亦石竹之類生漢陽山谷之間比石竹節差稀舊任土貢為輅馬之策戴凱之竹譜曰簾簾誕節內實外澤作貢漢陽以供輅策

鶴膝竹又名木樨竹生杭州西湖靈隱山中節密而內實畧如天壇藤間有突起如鶴膝人亦取為拄杖生於

閩嶠者俗名鼓槌竹節節臃腫而莖管削宛如鶴膝筍
可食葉世程閩中記云鶴膝竹出古田縣似靈壽杖不
須治削人多取以扶老高續古似孫有次韻陳校書送
鶴竹筍詩云竹如鶴脚瘦交加驚識英英玉露沙一見
已知仙骨健高於越箭更無差



般腸竹生東郡緣海山中其筍最美或云出閩中與筴竹相似其竹中實但聞其說而未之見也戴凱之竹譜曰般腸實中與筴相類於用寡宜惟筍殊味晏公筆鈔般腸竹出東海

銀鋌竹又名高節竹色如金其節隆起莖旋彎削節密處宛如銀鋌之狀非鶴膝人面之類別為一種筍可食七閩處處有之

石大頭竹生餘杭山中狀與常竹不異四五月間出筍

上細下大其籜淡黃色無斑花唯上截甘美可食下截
木硬但可煮汁以此得名



木竹閩浙山中處處有之葉生堅實中間亦通小脉節
內如通草其筍堅可食福建生者心實筍硬不可食土
人呼為柴竹又一種生於韶州山中最多莖如萬歲藤
中實如木可為杖海物異名記云靈壽木其節竹漢書
賜三老靈壽杖者此也無花而實如草豈薺味酸

人面竹又名鬼面竹又名佛面竹又名佛眼竹兩浙江
廣俱有之去地上一二節皆左右邪正兩節相對中間
突起長圓宛如人面或多至十數節之上始平正如常


竹筍亦可食人多採以為拄杖福建人呼為佛眼竹東坡送與羅浮長者即此竹也或云天竺國所產者形似尤奇



薑竹生兩浙山中國丁植盆檻中為人清翫亦人面竹之類但竿下尺許節密如此



多般竹亦人面竹之類去土一二節之上生節短長斜
正不等或如人面或如鶴膝或如鱗甲或如鱗槽或如
縮頸之龜或如藏六之龜五七十節後方如常竹故名
東陽金華山中尤多



龍鱗竹江東西及湘潭之間俱有之亦人面之類徑三五寸兩節曲屈相對中間突起如龍鱗狀三十餘節之上即如常竹矣




象牙竹出會稽山中大槩與常竹不異但筍出肥壯微
彎屈且純白狀如象牙故名筍味甚佳嘉禾境內亦時
或有之


菩薩竹生西蜀峨嵋山中結花於節外之枝茸密如毬
周侍郎端朝峨嵋山行記云菩薩竹者亦常竹以綴蘚
故節有一層似佛面取而炙熨之以為杖

簌竹出襄州卧龍山諸葛孔明祠中長百尺只梢上有
葉土人多取作幡竿承落筍甚美

江南竹江浙閩廣間皆有之大槩與淡竹相同但一面出三小枝葉頗繁盛安南生者枝葉頗長大筍亦可食然每歲必於初種之月生筍味甚美葉色嫩綠水不染塵也



雙葉竹江浙兩廣俱有之枝幹一如常竹節差高但他竹一枝杪生五七葉此竹只生兩葉故名今俗工所畫率皆類此其筍亦可食苞籜生作兩段與他竹不同



台竹一名剛竹一名鬼角竹生江南蘇湖往往有大者尺圍小者如拇指色黧褐性至堅硬俗呼鋼鐵頭竹每節間生四五枝圓直條暢葉稀疎而薄小形類苦竹作棚棧最佳若作篾條則脆不堪用可為弓材其筍中食初出土時色紅紫而有斑花如鬼角故又名鬼角竹拂雲箒竹出廬山莖大如指竹杪細葉翠密如箒彼人採為方物以相遺贈張得之云名篋篠竹根杪條等特異他篠中為掃箒



百葉竹生南蠻界有毒傷人必死蠻人以刺虎豹中之輒死一枝百葉因以為名筍不可食劉涓子云勞竹有毒蠻人以為觚刺獸中之必死是或一類耶戴凱之竹譜云百葉參差生自南垂傷人則死醫莫能治亦曰筍竹厥毒若斯

蘆竹出閩越山中沿海諸郡皆有之形如蘆故名戴凱之竹譜云有竹象蘆因以為名東甌諸郡綠海所生肌體勻淨筠色潤貞凡今之箎匪茲不鳴今作簫箎之類

聲最清亮又堪為矛戟之幹又堪為筆管但葉闊而利
筍苦而可食

秋蘆竹其竹似蘆身如荻蔗冬月不凋插之如生

駢竹一根數節之上分為兩竿冬生枝葉別無種類特
常竹之變猶連理木並蒂蓮之屬故亦罕有揚州焦太
易招討家一株纔高數尺玉泉山樸翁和尚贈予一拄
杖甚妙後轉贈廉庭臣都運今姑蘇東李博提舉家園
怡老堂有一株高五尺餘呂端明園中亦有一株是蘆

竹之駢生者高約七八尺園丁屈折作葫蘆形枝葉茸
細可愛予官嘉禾後圃亦得一株兩節之上分為三幹
枝葉敷榮是筴竹之變者尤奇特

記王子敬譜云會稽箭竹錢塘扶竹猶東方之扶桑兩
兩並之而生謂之扶竹山海經注又以扶竹為筇竹未
詳

服傷竹江南諸郡徃徃有之大者五六寸圍長二丈許
其中實四月以後出筍味甚美枝葉與他竹亦類服傷
之義未聞贊寧云大者五六寸圍長二丈中實古人用
以削弩箭四月筍美

扶南竹見番禺志

蕩竹書禹貢篠蕩既敷孔安國云蕩大竹爾雅釋草蕩竹郭璞注竹別名儀禮曰蕩在建鼓之間謂簫管之屬爾雅疏李巡曰竹節相去一丈曰蕩孫炎曰竹闊節者曰蕩笙簫之屬固非大竹今此竹不同生嶺南江廣之間皆有之叢生極高葉大且密一叢有生至十八九葉者節上每茁小筍三籜破成枝中間一枝彷彿與本身等傍二枝亦麓大皆橫出尤易植至秋根旁出大筍綿綿不絕隔年成竹或云擘下節間筍植之亦活江西人

呼為橫枝竹筍色甚白味甚佳名玉版筍過母梢極細
長彎曲垂下如柳絲搖曳東坡自注其詩云海南勒竹
每節生枝如竹竿大蓋竹孫也今後卷有澁勒竹別見



他里竹生安南節如笙竹節間茁筍又如簾竹葉差細薄

鏞竹出廣南絕大內空節可容三升交廣人持此以量出納中有水甚清徹溪洞四月後水皆有毒惟此無毒土人陸行多飲用之至深冬則凝結如玉即天竹黃也療風癰疾按竹黃名天竹者言其大也亦猶天麻天蓼如兔葵燕麥言其小也今人或寫作天竺之竺非也

相迷竹生廣州狀與鏞竹大同小異中亦有黃堪作丸

治病力減於鏞竹

筊竹一名棘竹一名答黎竹一名攤竹一名筊竹出廣
右兩江安南尤多即刺竹也南方呼刺為筊大者二尺
圍肉厚幾實中人破為弓材枝葉下垂自根至梢每枝
節間對生二刺尖杪彎曲若鉤人家環植為垣墻初植
數莖作一叢三五年後枝蔓自相糾纏多鉤刺雖雞犬
羔豚不能徑入戴凱之竹譜曰棘竹駢深一叢為林根
如推輪節若束針亦曰筊竹城固是任篋筍既食鬚髮

則侵南方異物志曰棘竹有刺長七八丈大如甕西陽
雜俎棘竹一名芭竹節有刺數十莖為叢南夷種以為
城卒不可攻或自崩根出大如酒甕縱橫相承狀如縹
車筍食之落人齒按此棘竹即笏竹刺竹是也廣志名
攤竹嶺表錄異云刺竹枝上有刺南人呼為刺勒自根
橫生枝展轉如織野火焚燒只燎細枝嫩葉至春復生
轉復牢密邕州舊以刺竹為牆蠻蜚來侵不能入又新
州舊無城紹興間黃濟來為守以笏竹環植之號竹城



由衙竹又名籬竹又名芭竹又名梧竹生安南一如貓
頭竹葉小如澹竹筍夏生可食每節間生三枝皆圓長
堅厚初年上半散枝生亦自婆婆可喜漸漸年深近下
生橫枝皆作刺老則至梢皆有之齷齪可惡亦有小者
徑寸許竹與筍俱有刺可種為芭籬故名八九月筍生
淡澁不可食南方草木狀曰由梧竹吏民家種之長三
四丈圍一尺八九寸作屋柱出交趾按此或即由衙竹
也左思吳都賦曰柚梧有篁

柚音由

注云由梧竹出交趾

九真

簞

音電又音福

竹與由衙一種但實厚體小為梁柱佳筍味

苦不可食異物志云簞竹其大數圍節間相去局促中實滿堅強以為柱榱斷截以為棟梁不加斤斧也

答竹出安南節幹如苦竹堅厚圓正歲久則變黃色生枝處亦不凹窳小枝圓長葉如淡竹有刺筍味苦不堪食

青皮竹一如答竹但差輕薄老亦有刺筍味苦不堪食

釣絲竹二種生廣右兩江安南者祥符圖經謂之簔竹

大槩亦如蕩竹但節間橫枝細弱柔和垂下數尺飄然

搖曳宛如釣絲故名又名搖枝竹又名搖絲

按此句原本脫去今

從別本增入

亦深秋出筍隔年成竹筍過母時梢極細弱彎

曲垂下葉世程閩中記云簔竹初生未抽葉其梢垂下

狀如釣絲是也山海經所謂澗水之北多釣端竹者疑

即此種成都簡州謂之垂絲竹筍有毒不可食生浙東

者節葉一如桃枝竹但梢極細弱作篾編織一如番藤

愈細愈妙溫州最多嶺外代答云釣絲竹筍瘦而白於
食品最佳或云無毒但能發痼疾黃休復云蜀川滕昌
祐家有釣絲竹以其弱杪低而垂至地也亦可為釣竿



簾簾竹出廣西兩江安南亦有之形狀與簾竹同但無
大橫枝葉差小鋤破少肉多筋紉如麻枲可索繩織屨
簾竹出廣西兩江安南俱有之亦與簾竹大同枝葉細
小其質堅厚堪為弓材及鎗籐左思吳都賦云簾簾有
叢劉淵林註云簾竹大如戟槿中實勁強交趾人銳之
為矛甚利吳錄曰日南有簾竹勁利堪為矛山海經注
簾竹實中勁彊有毒銳以刺虎中之則死簾此作簾未
詳吳良輔竹書簾讀若標有梅之標方言以為籐竹或

又云即筋竹一物而二名者也戴凱之竹譜曰筋竹為
矛稱利海表槿乃其幹刃即其杪生於日南別名惟篲
已互見前筋竹下亦畧著其同異矣

滿心竹生廣西陽朔山中枝葉一如篲竹但幹實無心
故名湖湘之間亦有之筍味佳雲南記曰雲南有實心
竹文采斑駁可為器用唐僧清晝有實心竹杖詩按此
或即滿心竹是也

簌竹出處形狀與蕩竹同但橫枝差小葉大陰密略如

荊葦最堅大可為屋柱筍味甘可食

筍筍竹出廣右安南又名澁竹節長二尺餘每節上半截麓澁如世所用沙紙人或削成錯子可磨爪甲用久利滑以好醋浸少頃火炙乾復澁矣其半即常竹江船蓬箔多用之老者彌澁廣志云筍竹任作笛筍味苦無肉不中食亦有止如筆管大者初成竹時亦可鉋作麻用嵇含云出大秦國桂海虞衡志云兩江有此類名思勞竹皮日休詩退公祇傍蘇勞竹移宴多隨末利花蘇

勞或音訛也劉淵林云篋竹有毒夷人以刺獸者同異未詳廣韻篋竹一枝百葉有毒今百葉竹已別見崔德符有澁竹詩

烏計竹生安南形狀頗同篋篋竹但不澁節差短質堅而脆大者以充屋材止可為柱老者亦生刺

沙麻竹又名蘇麻竹又名簾麻竹又名沙摩竹又名篋簾竹桂廣之間在在有大者圍六七寸甚堅厚可作屋梁柱亦可為弓材種者鈐其竿每截二尺許釘入土

不逾月即生根明年長芽筍不三五年即成林或但斫節間茁筍植之亦生南粵志曰沙麻竹可為弓作弩謂之溪子弩戴凱之竹譜曰厥族之中蘇麻特奇修幹平節大葉繁枝註云蘇麻竹長數丈大者尺餘圍概節多枝叢生葉大嶺表錄異云沙摩竹大如茶椀厚而空小一人擎一莖可為屋椽正此竹也土人又訛為司馬竹嵇含南方草木狀曰思摩竹大筍生其節筍既成竹春而筍復成節交廣有之按思摩與沙摩稍近特其品異

同未詳

長枝竹出漳州山中叢生葉長絲之可為器皿


浮竹生湘全山中大者圍約五六寸一節約長五尺許
圓厚而虛軟土人斷取淨淘米裝入以木塞之加於火
上以蒸米熟為飯甚香美筍未出土時掘取以糟藏之
可餉遠極甘脆戴凱之竹譜曰浮竹亞節虛軟厚肉臨
溪覆潦栖雲蔭木洪筍滋肥可為旨蓄注云長者六十
尺肉厚而軟節闊而亞生於水次五嶺以北彭蠡以南

有之筍甘脆顧夷義訓曰簿竹有文

籊竹一名絃竹出湘全間其大與浮竹等節密而厚堅
壯可作屋椽柱八月採者不蛀亦微有斑花張得之云
籊竹中有自然絲絃扣之則應促節聲短闊節聲長猶
篴之韻

貓頭竹一名貓彈竹處處有之江淮之間生者高一二
丈徑五六寸衡湘之間者徑二尺許其節下極密上漸
稀枝葉繁細筍充庖饌絕佳此筍出時若近地堅硬或

礙磚石則無間遠近但遇可出處即穿土而出猶狸首
鑽隙無不通透故寓此名亦有高丈許者下半特無枝
葉庭院栽植枝葉扶踈清陰滿地殊可愛悅然竹身下
簾上細竿大葉小不宜圖畫廣中出者筍味不佳江西
及衡湘間人入冬視地縫裂處掘之謂之冬筍甚美留
不取至春亦腐朽別生春筍為竹福州人訛為麻頭竹
靈竹生蜀中大面山竹根如龍首耳角眉目天然而成
見輿地紀勝



右自蕩竹而下數種大同小異高至數丈林梢茂
密或可休陰息影為藩為屏為弓為屨薦庖厨架
屋室於世不為無用然多出橫枝葉稠節密態度
鄙俗形狀齷齪詎堪描畫雖欲自獻於楮素之間
不可得也如杜樊川所謂十萬丈夫甲刃縱橫者
但當被堅執銳呵衛拱立以就卒伍之列苟坐之
高車大馬之上而使衆庶瞻望其顏容豈不笑且

駭耶

欽定四庫全書

竹譜卷六

元 李衍 撰

異形品下

龍鬚竹生兩浙山谷間與貓頭竹無異根下節不甚密
析為篾平細柔韌筍籜微紅色斑點差少味甚美但筍
滓頗多日乾可致遠也

龍孫竹亦名龍鬚竹生辰陽山谷間高不盈尺細僅如
針凡所以為竹者無不具張得之譜云予頃過一朋舊


家見盆池崑石上有小竹一竿長六寸許枝葉蒼翠根旁別生二白鬚盤屈水中伸則長於幹五倍龍鬚之稱疑出於此張南軒亦嘗移寘石斛中暮春生筍森然可喜因賦詩云小竹如針能具體方春茁筍又堪憐者是也

茅竹一名鬼竹在處有之似茅而小概節分明宜與菖蒲並植於水石間

沉竹生延平山谷質重易沉削為小弩箭投水亦沉遇

風不為歌側射者取焉

鳳尾竹生江西一如篁竹但下邊枝葉稀少至梢則繁
茂搖搖如鳳尾故得此名




右鳳尾竹古人亦罕有畫者惟湖州余子清侍郎
喜畫此竹予家舊有二大幅今已贈人

筇竹又名扶竹又名扶老竹又名慈悲竹凡二種出西
蜀廣志云出廣南邛都縣近地一兩節多屈折如狗脚
狀節極大而莖細瘦高節實中狀若人刮俗謂之扶老
竹山海經龜山多扶竹注云邛竹也高節實中名扶老
竹南中僧人取作拄杖甚佳然不可擊掊擊則隨節斷
折故此亦謂之慈竹枝葉與常竹無異昔張騫西至大

夏所見者也峨嵋山中一種細如箭幹人呼為佛拄杖
竹游人攜歸置於佛所蜀都賦為筴音卯竹又作筴音乃
反竹硯譜云西域以此竹節為硯



龍尾竹出雲南每節止長二三寸枝短葉密觀之狀如
龍尾故名



筴竹出筴都今黎州是也其高參天常起嵐霧邛筴人穴山數十丈用此竹去節牝牡相銜為井謂之卓筒牝者為筴牡者名筴以取醎泉煮鹽張得之譜云別出筴竹者恐非是

毬竹每於杭州街市人家見之植盆檻中高不過一二尺下獨竿上叢密別無種類人力為之以筍初解籜時折去上梢則竿杪雜出小枝無數三二年後枝葉轉密盤鬱團圓如毬之狀繁細可愛故名




寸金竹生鬱林等處山中枝葉一如淡竹但節節勻密相去二寸許從根至梢圓正衝直作釣竿黏竿最妙

胡孫竹生江西吉贛在處有之與常竹同但節稍平中無隔礙兒童戲取作角吹之嗚嗚有聲空通故也

羅漢杖竹生紹熙府即古榮州也東有榮黎山山中產此屈曲如龍蛇之狀



弔根竹又名扶根竹出温州沿海山中蓋取釣絲竹根
上有小枝葉者漸漸出土移入盆檻中以竹杖扶持懸
起為几案之玩非別有種也



曲竹叢生每箇必存曲勢無有直者朱丞相勝非閑居錄云太學感化齋堂後貯廊東西各有叢竹勢無不曲自是一種也郭仲產湘中記云昭州平樂縣縈山多曲竹臨安志云安隱院在桐扣地有曲竹竹根有數節曲處僧多取以為杖林公麟詩云直節稜稜是此君耳孫却以曲為名首陽山下知難種亦可斜封向管城

雪竹生江西枝葉如篁竹而稀疎每節長二尺許其薄比江蘆差堅厚筍絕純白故名或云孟宗冬月哭而生

筍者即此竹也張得之譜云出清源深冬生筍冒雪一
云即江南竹筍之早出者

媽竹生賓州遷江縣山中湖湘間亦有之大如筆管高
不過五七尺節平色黃如藤梢杪枝葉叢生葉短如桃
劈篾織簾極細滑不減藤簾土人亦甚貴重細篾亦可
織笠

簾竹生廣西安南邕州崑崙關中尤多張得之譜云簾
竹黑皮有文每節生三枝葉秀媚婆娑可愛一如苦竹

大者可為柱小者亦堪雜用

簣竹生廣西山中大槩如蕪竹其用亦與之同

篠竹生安南山中亦如蕪竹但枝葉圓長綠淨可喜

簞竹生賓象山中及浙東諸郡枝葉如常竹每節長四五尺或倍之圍至一尺許出博羅縣者節及二丈作篾最靱且色白人取織笠五月出筍甘可食未成竹時亦可鋤作麻西京雜記曰會稽竹簞號曰流黃簞即此竹也

筍竹廣州平鄉縣有此竹土人煮以為布吳都賦云筍
筍抽節

簞竹出交趾九真葉疎而大每節相去六七尺土人取
嫩者鉗浸紡績為布名竹疎布或云彼中亦名簞竹戴
凱之竹譜云單體虛長注云單竹大如腓虛細長爽嶺
南夷人取其筍未及竹者灰煮以為布精者如穀番禺
志云簞竹每天旱竹上有蟲蛀眼子即死矣中有物青
白相雜如骨灰狀是謂天竹黃按天竹黃本出於鏞竹

雖相迷竹亦有黃作丸力減則知此竹所出當亦不及
鋪竹也

翁孫竹生江西正紫色一莖下節復生三五竿芄芄而
起比中莖差細土人取以為扇柄生浙間者高不盈尺
為几案之翫張得之譜云翁孫竹在處有之初種時因
地肥磽而長以次生者不敢高過於祖



廣竹又名利竹生永州祁陽山中莖類苦竹葉類篁竹
梢細長每節長二尺許作笛材甚佳亦可破篾織笠篾
尤快利削成刀子即可裂紙廣志云利竹出西南者是
春生筍微苦湏用清灰水煮熟可食僧贊寧筍譜謂利
竹蔓生若藤實中而堅韌隨竹蔓而生恐非此竹類也
張得之引周禮謂揚州之利竹箭者亦恐誤

石麻竹出廣州九真交趾皆有之其勁利他竹莫及人
削為刀切象皮如截芋或云即利竹也姑兩存之以待

別考嵇含云石林竹也

簕竹出安南叢生如簕竹實中勁強有毒土人銳以刺虎中之必死筍內實不中食

漢竹出交趾九真廣中亦有之大者一節受一斛小者受數斛可為尊榼其筍一節亦可受二三升味甘而澁廣志云永昌有漢竹圍三尺餘

越王竹出海南嶺表錄異曰根生石上如細藤高尺餘南中愛其青色用為酒籌菜筯云是越王棄餘籌生此

竹番禺志云越王筍竹細如箭幹每一節可為一筍故呼越王筍竹藝苑云越王行海作籌有餘棄於水中而生

毛竹出閩廣間浙東諸郡亦或有之四明洞天記云毛竹叢生澗邊剡中金庭記曰毛竹洞天有毛竹又名銀筍竹以筍白故名建寧武夷山有毛竹洞去山百餘里徧生此種每節出一籐其鉅細與根等枝弱而毛髯人以為蛻登仙李義山詩云只得流霞送一杯空中簫鼓

當時回武夷洞裏生毛竹老盡曾孫更不來武夷君自
秦漢始列祀典後仙人結宇山上與鄰俗往來悉呼村
人為曾孫少年慢之一日山中忽生毛竹如刺中者成
疾衆莫敢犯武夷洞人每斫竹隨即生土俗云仙人入
洞生此竹以隔浮世也

少室竹本名爨器竹孝經河圖曰生少室山中其大者
堪為釜甑筍可食

羅浮竹大竹也貞元中有鹽戶犯禁逃羅浮山至第十

三嶺見巨竹千萬連亘巖谷竹圍皆二丈餘有三十九節節二丈許逃者伐一竿為筏會赦遂挈以歸人奇之獻於太守李復乃圖而紀之

鍾龍竹南越志曰羅浮山生竹皆七八寸圍節長一二丈謂之龍鍾竹馬融笛賦惟鍾籠之奇生兮于終南之陰崖張衡南都賦其竹則鍾籠箏篴江總橫吹曲曰簫聲鳳臺曲洞吹龍鍾管陳子昂修竹篇鍾龍生南嶽孤翠鬱亭亭未詳此與羅浮所產異同

右上二竹類書中有記之者疑即一種未敢削去
姑存之以待別考

沛竹又名涕竹東方朔神異經曰南荒中有沛竹長百
丈圍二丈五六尺厚八九寸可以為船其子美食之可
以已瘡癰張茂先註曰子筍也

簣簣竹一名箬竹生湘中蜀廣間亦有之每節可長四
五尺廣州記云節長一丈今曲江縣及蜀中俱有此竹
圍尺五六寸節相去六七尺夷人煮以為布始興以南

尤多王彪之閩中賦曰簣簣函人異苑曰簣簣竹節中有物長數寸許政似世人形俗說相傳云竹人時有得者

癭竹東洛勝境有張文規莊近溪竹一竿有癭其大如李見酉陽雜俎麻知幾有竹癭冠賦

射筒竹吳都賦云其竹射筒弋人以修竿通其節箭安其內從本吹之古人所謂箛筒以射鳥者也筍可食謂此竹可作箭房者非吹筒之法始於武后置馬射步射

手射筒射今番舶上多用射人取中其面非以箭力能傷人蓋有射筒毒於箭鏃南方此竹其直如繩以法去節令中通長二丈餘箭則以輕竹削成幾三尺以鳥翎纏遠其上欲以受氣人猛吹之則著物最易吳地之筒竹差劣也劉淵林云出交趾九真


簡管竹節疎而筍可食又名茹簡竹

筍竹生濱海山中本根千丈斷一節可為船竹萌數丈猶是筍山海經大荒之中有山名曰成都在崑崙之北

有嶽之山尋竹生焉注云尋大竹名

簾竹字林云大高百丈狀類簾竹

莽竹生浙右諸郡嘉禾境內尤多形葉與淡竹無異但竿色稍白近根一二節須有裂壘土人云昔王莽死魂魄無所歸竄入此竹撐裂其下故名爾雅云莽數節疏云凡竹節間促數者名莽爾雅已有其名知土人之說妄也其筍味極珍美竹性硬肉薄作箴不成屈折即斷大者可作椽小者可作藥欄衣竿而已亦呼哺雞竹



娑婆羅竹昔人自外國移植於廣州猊山在增城東二十里多有此竹其大圍三四尺至堅里人取以為弓
蕙竹生海畔山中其筍與竹悉有毛傷人即死故舶商不敢取毛筍食恐中其毒也

衛邱竹山海經曰東北海之外大荒之中衛於山邱南帝俊竹林在焉大可為舟郭氏云言舜林中一節則可
以為船戴譜云員邱帝竹一節為船注云員邱帝陵

九疑

山有九邱員邱雲邱衛邱之類

嵇含草木狀云衛邱即雲邱竹一節可

以為船出扶南晉安海物記曰番禺有舜林之竹曰天竹注云其節大中汲桶然今交廣中竹節長二丈圍一二丈者往往有之即此竹也

狗竹出臨海郡圍三寸節間有毛三月筍可食大同篋竹但無毒也戴凱之竹譜曰狗竹有毛出諸東裔筍譜曰寧海巴東狗竹生筍有毛

箠尤竹勁而薄可以為博矢即今之投壺箭也蜀志曰箠細竹戴凱之竹譜曰箠尤勁薄博矢之賢招魂曰篋

蔽象碁有六博朱文公注曰篲竹名也蔽行博箸也投六箸行六碁故為六博象牙為碁篲輅為箸此楚人用之如晉制則以犀角為碁箸則用籥不用篲也或云堪為博局行碁之箸也

弓竹蜀中人謂之倒生竹舟師取之以為百丈戴凱之竹譜曰弓竹如籐其節郤曲生多卧土立則依木長幾百尋狀若相續質雖有文

按竹譜原本有作含

須膏乃縛注云弓

竹生東垂諸山長數十丈每節輒曲既長且軟

按原本脫既字

今從竹譜添入不能自立若遇木乃倚質有文章然要須膏塗

火灼然後出之

澁勒竹出嶺南中心堅實坡詩云倦看澁勒暗蠻村亂棘孤藤束瘴根者即此竹也

古散竹節似馬鞭葉似桐樹而小皮似拊櫛而柔勒筍亦可食建人呼慈竹為古散者非

筴竹新安多有長不過三四尺四月出筍至秋乃已常為筴茹故名土人云種時不宜根密

孟灘竹出雲南長滂其節長三尺柔細可為索人亦取其皮為麻見唐樊綽雲南志

簞竹生温州瑞安平陽俱有之或野生或栽種叢生至秋出筍經年始成竹大者徑二三寸節長肉薄劈蔑最良土人細縷之編織箱篋甚柔靱尤宜作枕一如番藤也

木簞竹温州諸縣俱有之亦叢生極高大有徑三寸一尺圍者肉厚土人取為彈弓材最妙五月出筍味微苦

性涼可食煮熟時色淡黃至秋筍絕

丹山竹出夷陵括地圖曰丹山之竹長千仞而鳳食其

實

丹山在峽州遠安縣時有赤氣鳳之居也

麻竹在處有之皮嫩質厚葉廣而薄六月筍可為筍晉
安海物記云麻竹夏晚而生可鍛為麻者曰麻竹注曰
其筍可為筍謂麻者取其曬煨灰治經緯為布曰華練
陳宣明殿學士姚察嘗有送華練一匹今呼曰竹練布
閩中記云麻竹筍夏生可作鹹筍

交隸竹在處有之體勒不甚直止可為竿麻之圈

鐵峽竹出秦州三峽九域志言上峽下峽鐵峽也其中
多竹小而長地寒常雪竹至堅子美詩云修纖無限竹
嵌空太始雪者謂此也

泣珠竹生密州咸通縣唐神龍元年哥汝擇移密州刺
史多植此竹後人伐之其節中有漿如雪

忠節竹出象郡節環隱隱而闊稍遠視之若無節然
筍散竹博雅云筍箴桃枝竹或云筍有節此竹形色似

之因以為名撫州舊歲貢筍竹箭顧夷義訓有筍竹簞竹或即一種也

仲竹爾雅云仲無筍注云亦竹類僧神珙云筍似琴有絃實未詳其說

籜筍竹戴凱之竹譜注云葉薄而廣越女試劍者也

𪗇音恹竹爾雅曰𪗇堅中郭璞注曰其中堅實者名𪗇謂

貞實與常竹不同與木竹筍味無異顧夷義訓籜竹實中籜音磷疑即𪗇竹也

簡竹爾雅曰簡茶中郭璞注曰其中空者名茶贊寧云其竹內隔與常竹不同故云茶中筍嫩而節與薄

百丈滑竹見番禺志

高節竹出瓊管黎母山大而節闊丈餘節又高也漢張騫傳注瓚曰邛山名此竹高節可作杖齊民要術引漢書乃云邛都高節竹可為杖與此不同

多枝竹 大頭竹

已上二者見廣南志

倭竹魏志云倭國竹有條幹見齊民要術

今魏志云其竹篠幹桃枝

與此不同

箊竹見謝靈運山居賦曰石竹細者箊箊之流廣韻箊青竹筴竹僧神珙云一名檀纂竹

箊竹清源志云番船上嘗有箊箊來貨

筴竹僧神珙云筴長節

筴

先果切

竹出漢後人縣屬太原郡

籊竹有毛見張得之譜齊民要術引字林籊音感

簫竹生海邊

簫竹 簇竹

玉篇云並小竹

鹿頭竹見范旻邕管記

篁竹戴凱之竹譜曰篁任篳篥

按竹譜原本篁作篳

體特堅圓埤

蒼曰篁竹堅而促節體圓而質堅皮白如霜粉大者宜行船細者為笛

巢竹寰宇記云臨賀縣有巢竹叢生大如戟堅中俚人

以為矛

苦伏竹閩中記云苦伏竹筍冬生人採食之味尤珍

簫管竹丹陽記曰江寧縣慈姥山生簫管竹王褒賦云
于江南之邱墟即此處也自伶倫採竹嶰谷後見此奇
故歷代常給樂府俗呼鼓吹山按慈姥山今在太平州
當塗縣

鉤端竹山海經曰嶠冢之山其上多桃枝鉤端郭氏云
鉤端桃枝屬

蒙筭竹 白夾竹 青城山記云青城山有蒙筭白夾

之竹

簾

音匪竹

箴竹

寰宇記云昭州龍平縣齧鼠山多簾

竹箴竹池澤中多鼠齧食之

簾

音與竹

元竹實中

太極竹長百丈

鈴竹

葩竹

筴竹

簡竹

胥竹

觀系竹

簪竹

箴籜

音彌竹

玉篇籜竹箴也廣韻籜箴竹

箴籜

音般

竹篇韻並云籜

箴也集韻籜箴竹名又云籜茶竹筴

茶


音書竹 高氏

竹畧云自簾以下並出顧夷義訓

筭竹出常德桃源筭竹村

笛竹蘄春地志云笛竹生羅田縣山中蘄竹亦生於此
用以為簾按謝靈運山居賦注云崑山之竹任為笛黃
帝時伶倫斬其厚均者吹之為黃鍾之宮今蘄春所產
固後出也

龍公竹羅浮山第三峯有竹大徑七尺圍長丈二謂之
龍公竹常有鸞鳳棲宿圖志云



欽定四庫全書

子部
竹譜卷八

詳校官中書臣孫溶

編修臣程嘉謨覆勘

謄錄監生臣袁秉直

謄錄監生臣范翔集

繪圖謄錄監生臣陳一章

即紫者世謂之真紫竹用之織柄拄杖甚佳亦有製簫
笛者根亦紫色節節勻停於馬箠尤宜新安志曰紫竹
斫之益繁諺云一年青二年紫三年不斫四年死行省
掾蘇善卿云靜江義寧縣徭洞中有一種懸崖而生每
節有一白距大者可作杖小者中馬箠生至下端却有
三葉今湖湘間吹笛者取紫竹膜貼之聲窈清亮越上
人家紫方竹拄杖尤奇特宋景文公益部方物贊曰竹
生三歲色乃變紫伐榦以用西南之美蘇子由詩紫竹

欽定四庫全書

竹譜卷七

元 李衍 撰

綠者竹之常色其有或紫或黃或斑或暈亦若人有顏
如渥丹美如冠王粟黃縵紫脂白瓜青者志操雖同表
儀實異故作異色品

異色品

紫竹出江浙兩淮今處處有之如篁竹澹竹苦竹或大
或小但色有淺深通名紫竹有初綠而漸紫者有筍出

暗生岷岫筍此指蜀產而言周益公紫竹詩云曾到蓬
山驗異聞浮筠翻動雪披紛紫莖綠葉騷人句不在秋
蘭在竹君王子年拾遺記蓬萊山有浮筠之籀葉綠莖
紫下有砂礪細如粉風至葉條翻起拂細砂如雪霰益
公自注用其事也


穿竹出七閩山中漳州尤多形如澹竹正黑色大者爲
織柄爲杖小者爲扇柄絕佳其根能穿遠故名

角竹出越州諸山亦紫竹之類但色淡如牛角故名其

質堅硬

篤竹一如紫竹但色正黑耳

暈竹出湘全間嶺南安南皆有之竿類苦竹節長大小不等初竹青上生白苔花漸漸著竹上成斑及洗去苔靨紫褐斑暈層層間錯殊可人意筍不入食品若他斑竹止一沁痕無疊暈也全州西徭洞中及鬱林山中出者竹色正白斑花尤分明竄為上品桂海虞衡志謂之斑竹云桂林屬縣皆有之所記略同



赤錢竹 真珠竹 雨點竹 雲竹 清白竹 龜紋

竹

右已上六種皆暈竹之類彼人但以斑花之似者
輒取以名耳

篋竹出篋國中一節長二三尺大者如雞鵝卵黃白二
色天性圓直不待矯揉生枝處亦不凹窳斑花紫褐色
暈暈重重中又有白暈彼人取為標鎗勁捷無比小者
中為拄杖梁貢甫尚書奉使回嘗將出三五莖予親見

之

斑竹處處有之其類最蕃凡生斑花者皆是然斑花或大或小或勻或細皆不等或重暈或單暈色或深淺各隨出產風土變易今越人以斑竹作牀椅及他器用頗雅士大夫多喜愛之

舍利王斑竹幹有虺文六帖云昔西域舍利王獻樂有大小箏琴皆以虺文斑竹為之而取聲於箏以合律道州斑竹生高巖小於箭文如螺旋不雜

顧家斑竹述異記云姑蘇之境有陸家白蓮顧家斑竹亦猶花有魏紫姚黃之稱

電斑竹出雷州地理志云雷州貢電斑竹即此物也

筴竹出湖州亦斑竹也斑花不等極有佳者

苔竹寰宇記云信州貴溪水南流上源數十里生苔竹苔痕點暈狀如瑑玉榦直可為杖

黃竹叢生與慈竹一類但成竿即黃色故名越州蕭山縣東三十里有黃竹山上有林竹色微黃狀如刀削志

云是范蠡遺鞭於此山生筍為林即此竹也晉安海物記云黃竹節紫而色黃筍可為茹

綠竹叢生浙東及七閩多有之極高大其色深綠竹不堪用筍味極甘美日乾餉遠人亦貴重之今漳州建寧浦城作綠筍乾漳州者最佳

青竹與綠竹無異但色深青古譜名紅鵲尾因筍得名樊宗師園記云一曰青士一曰紅鵲尾東宮舊事云皇太子初拜供青竹簟竹扇各有差

白竹生江東西兩廣安南俱有之枝葉與澹竹同但筍
出時籜葉純白無赤色及斑花根甚長節又勻密作馬
箠尤勒濟源一種與淡竹同破作篾條色正白堪織笠
亦名白竹晉安海物記曰白竹節白戴凱之竹譜曰赤
白二竹還取其色白薄而曲赤厚而直沅澧所豐餘邦
鮮植注尋陽人呼為白木竹俗曰白鹿竹今白鹿竹別
見

赤竹出沅澧間大同白竹但以其厚而堅筍籜正赤色

故名或云即白木竹也燥時皮肉皆赤故名晉安海物記曰赤竹節直其本徑尺

紅竹赤竹之類色差淡紅耳

烏竹生慶元等處山中大者五七寸圍形狀與龍須竹大同但筍出時烏紫色日乾致遠味珍他筍不可及也烏筍竹大同筍竹性不柔勒筍出時正黝色肉薄味美可食

黃侯竹即水竹之類無甚大者色淡黃中作篾筍可食

烟竹出江廣間形狀一如水竹亦有如淡竹者但節高而葉密竿色淡綠成竹時節葉間便生黑煤苔若烟氣薰灼然故名或亦名黑竹濟源一種無黑煤色但破作篾色雜青黃不純白故亦名烟竹雜用佳筍可食


金竹生江浙間一如淡竹高者不過一二丈其枝幹黃淨如真金竹故名竺法真羅浮山疏曰羅浮山有竹色如黃金

金絲竹生湘潭間一名白絲竹一名刷絲竹本筍竹之


類以其易活人多植於盆檻中至久不瘁竿上細黃數
道如刷絲然故名志書撫州歲貢金絲竹布




黃金間碧玉竹一與金竹同但枝節間四處一道深綠
越產以是名者又異詳見後對青竹




碧玉間黃金竹亦同上但竿色全綠枝節間凹處一道黃



對青竹出西蜀今處處有之其竹節間青紫各半二色
相映甚可愛昔蜀主孟昶作對青竹亭於蜀今嘉興崇
德縣寺中亦有之僧呼為二色竹黃休復云蜀川滕昌
祐家有對青竹身黃色有一脉青節節相對故謂之對
青也會稽續志云對青竹每節青黃左右相間越俗呼
為黃金間碧玉又曰閃竹又曰間竹或云越閃竹即宋
景文黃太史所謂對青竹宋公贊曰翠溝如畫太史賦
曰金碧具相



間青竹生江浙二廣間處處有之歷陽尤多竹不甚大
青黃節節間色故名



露青竹生蜀中節幹修直色正青顧況有露青竹枝歌
云亭亭筆直無皺節摩挲形骸一條鐵

斑鰕竹建安有之其斑花如鰕魚之狀春夏之交出筍
美可食

白鰕竹建安城北沙洲所產夏筍甚美竹色微白以對
斑鰕竹故得此名

青長枝竹七閩在處有之色青裊裊成叢為篾丈餘必
假火氣則勒如藤濕則易腐

黃長枝竹亦出七閩實中而叢卑筍香可飲茹可入藥
功與淡竹葉同

黃陶竹見廣南志

文竹生邵陵高平縣色正綠扶疎常隨風委拂石床

絲竹生蜀川滕昌祐家有之葉細而青莖瘦而紫亦謂
之墨竹

蔓竹生江廣間皮青肉白如雪軟靱可為索筍赤皮青
肉白嘉禾人呼為蔓芽竹王子年拾遺記云岑華山在

西海之西有蔓竹可為簫管吹若鳳鳴禮斗威儀曰君
乘水而王其政太平蔓紫脫為長生紫脫筍名也

大竹生浯溪山中形葉即與壽竹同但成竹時竿變焦
黃色性剛利可削作刀子用汲冢周書曰成王時路人
獻大竹孝經河圖曰少室山大竹堪為甌釜此云大者
或以形質而言非必浯溪所產同也

丹竹出海南道州瀧中峭壁之上每節長可一丈或八
九尺徑不甚大裊裊搖空粉節上似有丹色心空肉薄

舟人劈為百丈緯

毛斑竹出蘄州初伐時無斑花以灰汁漬之即見土人織為簾箔或笛管筍不堪食

白鹿竹亦名白竹又名遺竹出連州抱腹山為多莖色白節間微有綠土人待出筍後隕籜放梢乃採之以灰煮水浸作竹布鞋或搥一節作簾謂之竹拂成布一疋纔重數兩

小白竹全似秋竹而色差白篾不如之韓丕詩云風韻

曉生泉細細月華宵泛玉差差

玳瑁竹出湖州諸山中薛翊異物志曰竹似筍籐斑駁如玳瑁

筍隋竹戴凱之竹譜曰肅肅筍隋颼颼橫植擢秀初秋冬乃成竹今浙東沿海山中處處有之大如足指堅厚修直腹中白膜闊隔狀如濕麵生衣初生時正紫色漸漸變紅年老則色白也枝葉一如四季竹亦四季生筍可食生南康者未解籜時輒有細蟲食其筍籜脫之後

蟲食處成赤紋類繡畫者浙東人家多取為籬勻整可愛七閩山中尤多或名鹹竹恐聲訛也閩中記曰簕簕竹圓如指大可編藩籬簕簕即筴筴也

蓋竹戴凱之竹譜曰蓋竹所生大域江南上密防露下疏來風連陰接町竦散崗潭今產江浙山谷間肌薄而色白去地七八尺枝葉婆娑如蓋故名此竹動連頃晦人家庭院罕植之者

白箬竹在處有之莖小於箬葉如掌大而長

紫箚竹亦同但莖色黑紫耳

實心竹生雲南記云實心竹斑駁殊好可為器用土人取以為槍榦胡牀永泰生者精於玳瑁可飾器物

錦竹生蜀中顏色錯雜如錦杜工部卜居濯錦江就韋續覓錦竹有錦竹亭亭出縣高之句即此竹也其修竦可見矣

筭竹在處敷紛頭有父文字林云筭竹頭有父文父文猶花文也

蒸竹竹記云筴之醜也其文煥然

白烏竹亦有實心者蓋籜之屬見湘中賦

間道竹生兩浙山中人家庭院亦有植之者筴如水竹
節差密葉如毛頭竹頗瘦長葉上有淡黃間綠細勒道
五七行每叢或生至十四五葉吳興周公謹知縣其別
業在杭一叢數本沈竹真家亦有之



魚腸竹贊寧云今詳魚腸為名必象實而作其竹細而
屈筍亦可食梁簡文竹賦有魚腸雲母之名謂竹色如
雲母者名雲母竹色如魚腸者曰魚腸竹昔歐冶子鑄
劍其四曰魚腸蓋精鍊之鐵闇白而微青故以魚腸之
色比之贊寧以象竹之細屈恐非立名本旨也

雲母竹蕩竹之巨者也濠梁圖經云出鍾離南四十里
雲母山山有雲母石竹皮之色似之因以為名廣志云
大竹也生於交廣梁簡文竹賦有魚腸雲母之名

浮筠竹王子年拾遺記曰生蓬萊山葉青莖紫風折之
如鐘磬之音

欽定四庫全書



卷七

七